



INTRODUCCIÓN

O termo dorna ten varias acepcións. Concretamente nas rías de Viveiro e Ortigueira, coñécese como dorna aquela embarcación de fondo plano, empregada para o transporte de area, acepción que tende a desaparecer, para ser sustituida por embarcacións e opcións máis axeitadas para os tempos modernos. Tamén se chámá dorna a embarcación construída de troncos ocos separados paralelamente e unidos con táboas, que leva persoas e mercancías dunha a outra banda dos ríos Miño, Avia e Sil. Pero a súa principal acepción fai referencia a unha embarcación de madeira de características moi concretas empregada para a pesca, fundamentalmente nas Rías Baixas.

